

黑龍江通志綱要

趙爾巽署

104702



黑龍江通志綱要下

滿洲金 梁瓜圃

財政志綱要一

歲入

黑龍江財政於古無攷遼史契丹舊俗其富以馬其疆以兵及其有國制度日增經費日廣於是五京及長春遼西平州置鹽鐵轉運度支錢帛諸司以掌出納自太祖任韓延徽始制國用定賦稅之制是為制定財政之始清初設駐防為受協省分有歲出而無歲入道光以前歲需俸餉皆由盛京請領咸豐前由部庫籌撥同治後由各省協解光緒以來招墾放荒收租課稅始有收入及光宣之交初辦預算期收支適合於是歲入始有定額是為制定歲

98115
25

入之始茲述歷年歲入約數於左

光緒十三年冊報入欸凡六項一雜賦下一常稅下一糧折下一租課下一盈餘下一受協下共入銀四十九萬餘兩京錢五十萬餘串

光緒三十三年改行省制歲入計部撥練餉邊防經費及本省捐稅大租稅契等項共約銀八九十萬兩

宣統三年預算歲入一田賦二鹽課三正雜各稅四正雜各項五官業收入六雜收入連荒價及受協各款共計銀四百三十八萬餘兩又地方歲入銀九十三萬餘兩合共五百餘萬兩

民國九年預算國家歲入一租賦二貨物稅三交涉稅四正雜各稅五正雜各捐六雜收入七官業收入八中央協款共收六百三

十一萬餘元又地方歲入一雜捐二雜稅共收五十五萬餘元合
共六百八十餘萬元又地方歲入租賦附加捐捐稅附加及罰款
等項計三百餘萬元

以上數目呼倫貝爾均未列入

又十年呼倫貝爾國家歲入共十五萬餘元地方歲入共十四萬
餘元

Blank page with vertical lines.

財政志綱要二

歲入

租賦

黑龍江省自遼太宗藉五京戶丁以定賦稅始定賦稅之制聖宗詔諸屯田稅賦有公田制在官閑田制私田制分年納租頗合古井田遺意是爲分年升科所自始金輸租之制大率分田之等爲九而差次之是爲今日分則課賦所自始清設八旗駐防旗屯官莊初無田賦按兵丁原額歲交糧石乾隆年官莊一百三十六處額丁一千三百六十名每歲共交細糧三萬四千石又旗地十七萬二千七百十九晌並無賦額咸豐十年呼蘭閒荒聽民墾種歲徵租錢是爲徵收租賦之始光緒十七年奏准徵收租款銀錢各

半二十年復奏仍聽民便二十五年蒙地放荒徵收蒙租民國二年加收租賦改徵銀款定爲按地每垧徵銀一錢九分八厘即將大小租名目革除總名地租是爲改定租賦之始茲述各項租賦名目辦法如左

一大小租 民墾荒地限期升科未升科以前每响歲徵租錢六十文謂之小租升科以後每响歲徵租錢六百文謂之大租而小租仍同時併納

一蒙租 蒙荒升科屆期每响歲納中錢六百六十文內以四百二十文歸蒙旗二百四十文歸國家仍以二百文爲大租四十文爲小租

一雜租 分城泡草甸晾網柳通各租課等項徵收方法不一自

清丈升科後一律停納

一押租 放荒例收荒價每响納錢一吊謂之押租此名押租實類荒價其後另定地價分等收銀

一街園基租 省城等處街基初徵大小租錢三百三十文後改押租年租各處不同

一官房租 均在省城就官有房產收租

一地租 民國三年起始定地租每响徵銀一錢九分八厘凡以銀元繳納者每元按七錢二分計算以小銀元及羌帖繳納者准按市價折算以官帖繳納者二年地租准照二年度預算案每兩折收江錢十吊其二年以前民欠地租仍照舊章徵收錢款并向蒙租分劈辦法按每响徵銀查照向來劈分成數以一

錢二分六厘歸蒙旗以七分二厘歸國家革去大小租名目統
名地租是爲現行租賦之制

一 旗地租

一 國家地租

一 旗地租

一 國家地租

一 旗地租

一 國家地租

一 旗地租

一 國家地租

一 旗地租

財政志綱要三

歲入

稅捐

黑龍江自遼太祖起權務以通諸道市易始定徵商之法又凡市井之賦各歸頭下惟酒稅赴納上京金大定年始定商稅法明昌年定稅務課商稅諸路使院千六百十六處是爲設局收稅所自始又有金銀之稅是爲黑龍江金稅所自始清初設省各稅皆無定額雍正十二年齊齊哈爾墨爾根黑龍江始定騾馬等稅銀每兩三分是爲征收稅捐之始乾隆二年始於呼蘭設稅務二十六

年始於呼倫貝爾設稅務所征稅銀皆未額定初有車稅人稅名目人稅尤苛光緒年將軍恭鏜嚴示禁革江省稅章初頗紊亂自

改行省巡撫程德全改定稅率革除積弊稅法始獲統一

一曰物產稅如油稅麻稅牲畜稅錠稅魚稅城稅菸稅山貨山張稅木稅山本稅烟土稅厘豆餅稅滷稅硝捐糧稅酒稅柳條稅旱獭稅等項

二曰營業稅如一成捐車捐船捐牛馬騾稅豬羊稅鄂倫春獵槍票斗秤課又當課燒課牙牌帖稅等項

三曰交涉稅如洋稅呼倫貝爾洋酒稅呼倫貝爾子口稅煤稅木植票羊草稅華民出境護照費瓊瑋洋酒稅魚網稅俄人包納貿易稅又牧畜稅劄石稅鄂俄貿易稅等項

四曰雜稅如豬牛印吉豬稅牛馬倒等項

又警學响捐三費响捐鹽捐戲捐妓捐五厘捐斗秤零捐商捐鋪

捐警學糧捐牲畜捐油榨捐店捐酒舖捐買賣貨捐城鍋捐路
燈捐窰捐大犁捐山貨捐木牌捐柴炭捐羊草刀費攔木縴費
入山腰牌費等項均歸地方警學經費等類之用

又訟獄雜費歸法廳

又田房稅契亦歲入大宗

又金稅烟畝稅等項爲黑省特別稅

又關稅鹽稅均歸中央另輯專篇印花稅亦歸中央並附於後

...

...

...

...

...

...

...

...

...

...

...

...

財政志綱要四

歲入

協餉

黑龍江省之有協餉自咸豐年添設練軍始初官兵俸餉向由戶部關領咸豐三年始經戶部奏准由各省按年協濟指有定數每年應解十餘萬兩至二十餘萬兩不等是爲各省協餉各省應解協餉歲有積欠不能按照部撥銀數籌解計自咸豐四年至宣統二年共欠五百餘萬兩是爲欠解協餉

又光緒十六年因籌練防軍奏准由部歲撥餉銀六十八萬兩歷經戶部就東北邊防經費項下如數撥放庚子亂後停止二十八年因添練各軍復請撥發每年准撥十六萬兩三十三年奏請此

後巡防兵餉由部籌撥議准加撥十萬兩是爲部撥餉銀

奏請撥給東邊各營兵餉銀兩以資餉用計開

大興營十六營計開撥銀兩計開

平定官辦二軍共六營計開撥銀兩

於營撥給餉銀並撥銀兩不敷撥給

平定軍十營共計銀兩三十萬兩

計開撥銀兩三萬兩計開撥銀兩

計開撥銀兩三萬兩計開撥銀兩

計開撥銀兩三萬兩計開撥銀兩

計開撥銀兩三萬兩計開撥銀兩

計開撥銀兩三萬兩計開撥銀兩

財政志綱要五

歲入

荒價

黑龍江省自遼以于諸里河臚胸河近地賜耕種金移民屯種於
泰州及清弛禁放荒皆不收地價同光以後始有押租名目實即
荒價是爲荒價所自始歷年清丈開墾所收荒價實爲歲入大宗
唯係臨時收入數目無定初開辦時放地既多收數自旺其後逐
年減少茲將歷年收數撮要列後

光緒二十四年至三十三年統計歷年收進各段押租經費共銀
六百三十四萬餘兩

光緒三十三年至宣統元年統計押租共收一百九十七萬三千

餘兩

民國三年清丈兼屯墾各局徵收荒價等項統計共收九十一萬

五千餘元

又清丈兼屯墾局擬全省普行清丈招墾收入總約三百四十二萬餘元

收入

稅捐

財政志綱要六

歲入

官業

黑龍江省有官營業實非古制惟金史食貨志鹽乃官物設官置庫茶以多私販命設官製之此似官業然列權貨之目則亦重在征稅非與民爭利也今黑省官業收入以金廠煤廠爲大宗而官銀號廣信公司之獲利亦厚電燈電話工藝造紙火磨等項各有收入學田招墾兼業蠶桑亦領官本茲並列之

一 鐵路公司 齊昂鐵道甘河鐵道均官股開辦

一 金廠 庫瑪爾河金廠都魯河金廠吉拉林金廠均官辦

一 煤廠 金懷馬煤廠甘河煤礦隆平煤礦察漢敖拉煤礦均撥

官款開辦

一 電話局 在省城領取官本開辦

一 電燈廠 在省城官辦

一 旗民工藝廠 在省城官款開辦

一 造紙公司 在省城官商合資

一 火磨公司 在省城撥官款試辦

一 學田招墾局 在甘井子領取官本招佃開墾附設山蠶廠

財政志綱要七

歲入

鹽運

黑龍江省鹽務遼史會同初始置權鹽院一時產鹽之地如渤海鎮城等處五京計司各以其地領之金史初遼金故地濱海多產鹽上京東北二路食肇州鹽率頻路食海鹽臨潢之北有大鹽灘焉烏古里石壘部有鹽池皆足以食境內之民嘗征其稅是爲權運所自始清初黑省食鹽皆由奉天運銷間有蒙鹽亦不足用初皆商民自由販運光緒三十四年始議畧仿專賣辦法奏辦官運是爲江省開辦官運之始設吉江官運局隸奉天鹽務總局定黑龍江官運章程第一年共銷鹽四萬二千七百餘石餘利銀共三

十萬五百餘兩宣統元年奉天設鹽運司定黑龍江官鹽局現行章程三年預算收入銀九十三萬餘兩是爲官鹽

又江省有卓爾博脫鹽池在呼倫貝爾光緒三十一年試辦鹽捕收合銀二千八百四十一兩是爲鹽池徵課之始三十三年出鹽五萬餘觔三十四年八十一萬餘觔初定每袋三百觔由掃鹽人納課羌錢一百二十文買鹽人出捐羌錢三百三十文後有變更定每百觔收三省通用銀元八角買主賣主各出其半每票一張收費一角宣統元年所有課捐各欸一律由稅務局經查是爲蒙

鹽

又哲盟各蒙旗均產鹹江省如杜爾伯特郭爾羅斯前旗札賚特各旗歲產約千餘萬觔紅白二色鹹廠有稅是爲蒙鹹

財政志綱要八

歲入

關稅

黑龍江稅關始設於光緒末年攷金史食貨志權場爲與敵國互市之所皆設場官厲禁廣屋宇以通二國之貨歲之所獲亦大有助於國用此實類今日稅關之制而一由自主一用客卿又各不同也

關稅爲中央財政由稅務處與總稅務司辦理黑龍江省北滿稅關照約應設四處一滿洲里一瑗琿一齊齊哈爾一呼倫貝爾

滿洲里稅關光緒三十三年設是屆共收稅款十萬五千兩有奇以三省辦理新政籌備邊防需款奏准截留備用宣統元年十

五萬二千餘兩民國元年二十五萬九千餘兩六年二十七萬
五千餘兩十一年二十四萬七千餘兩

瓊瑁稅關宣統元年設

齊齊哈爾稅關

呼倫貝爾稅關

財政志綱要九

歲出

黑龍江自清初設省歲需初皆仰給盛京每年造冊赴領乾隆年
歲領銀二十六萬餘兩制錢一千六百餘串道光年歷年領銀至
一百四五十萬兩咸豐年改由各省協餉同治年實需銀四十五
萬餘兩光緒十三年出欸凡七項一祭祀一俸工一兵餉一驛站
一公廉一賞卹一勇營練軍共出欸實銀五十七萬餘兩京錢七
萬七千餘串

光緒三十四年改行省制一行政經費一司法經費一外交經費
一旗務經費一民政經費一教育經費一財政經費一實業經費
一軍隊經費一建築經費一交通經費統計歲需銀二百五十二

萬餘兩又錢一百四十九萬餘串

宣統三年預算歲出一行政費一交涉費一民政費一財政費一典禮費一教育費一司法費一軍政費一邊務費一交通費一移民墾荒費一工程建築費統計五百一十一萬餘兩

民國二年預算國家歲出經常臨時經費共三百七十萬餘元地方歲出經常臨時經費一百三十四萬餘元合共五百餘萬元
三年預算歲出合共七百九十六萬餘元

九年預算國家歲出外交部所管內務部所管財政部所管陸軍部所管司法部所管教育部所管農商部所管交通部所管共計六百三十五萬餘元地方歲出內務費教育費五十五萬餘元又

地方歲出警學等費計三百餘萬元

以上數目呼倫貝爾均未列入

又十年呼倫貝爾國家歲出共四十六萬餘元地方歲出共十四萬四千餘元

財政志綱要十

錢法

黑龍江省自遼始造錢幣金初用遼宋舊錢是爲錢法所自始然史稱金至天會末雖劉豫所鑄亦用之則錢法之亂自古已然清初皆用銀寶及制錢及後私帖行外幣入而錢法乃日益壞今有現金紙帖中幣外幣種類至多價值各異其紊亂不可勝言茲將各項名類畧述於後

一現銀帖銀 現銀日少帖銀即商號舊出銀帖今不用

一大小銀元 銀元少交易皆以票計

一大小銀元票 黑龍江官銀號廣信公司均發小銀元票

一銅元銅元票 銅元少票至多官銀號廣信公司均發

一制錢江錢 制錢今已無江錢亦僅有空名江省合算銀錢市

價皆以江錢爲本位

一官帖 黑龍江官銀號廣信公司所發錢帖皆稱官帖

一屯帖 即私帖各城鎮屯商家所發皆稱屯帖

一羌帖 亦曰俄帖舊用甚廣今已廢

一金票銀票 皆日本銀行發

教育志綱要

學校

黑龍江省自金設女直國子監學諸路設女直府學州學是爲設學所自始清初建學始於康熙三十四年將軍薩布素奏准在墨爾根兩翼各立一學是爲設立官學之始嗣是齊齊哈爾呼蘭墨爾根黑龍江四城均設滿官學嘉慶元年將軍永琨請龔光瓚始設義學光緒七年將軍定安始立漢官學是皆江省舊設官學

光緒三十一年始設小學是爲江省設立新校之始三十四年統計官立學校一百五十七所公立一所專門實業師範普通各校皆備學生七千人已畢業者凡一千一百數十人宣統年統計學校二百七十八所學生一萬七千人

民國元年統計學校三百二十九所三年統計學校九百六十六
所學生二萬九千八百二十七人職教員一千四百餘人

學務

黑龍江省光緒三十一年始設學務處附於軍署三十二年以分
巡道總理學務三十三年設提學使成學務公所次年分派各屬
視學官勸學員江省教育行政機關乃漸備宣統元年奏請變通
邊境教員獎勵又奏請江省紳民報効學堂經費准予給獎又奏
准設治章程各府廳縣各於所轄荒段內劃留學田招墾收租以
裕學款 民國改設教育廳推廣教育增設學校擬定官費派遣
留學各國學生規程又籌辦巴拿馬出品賽會事務開本省教育
成績展覽會徵集出品揀送賽會

選舉志綱要

貢舉

黑龍江自金創設女直科是爲科舉之始金代科目得人爲盛盛京通志選舉志所載女真氏等凡隸今黑龍江境者合四十人足見當日文治之盛後世崇尚武備文化日衰清初以弧矢利天下無暇習文數百年來科舉竟無一人乃至歲科考試學額虛懸久不能舉至光緒初年始有取進亦可歎矣黑省舊制攷試歲科由將軍試驗騎射咨送天府尹兼學政收考同治五年東三省馬隊各軍欠餉報效加滿蒙學額九年吉林專建考棚黑龍江省應試者附之光緒三年奉天學政王家璧奏定黑龍江滿蒙旗童酌量取進並民籍童生酌定進額是年歲科兩試始共取進滿蒙文

生三名民籍文生六名五年將軍豐紳學政王家璧奏准額設教職及廩增各缺七年兵部議定武生額十六年十八年各增學額二十九年由提學司錄取恩拔歲貢生宣統元年巡撫周樹模奏定拔貢名額統計原有滿洲生員二十九名蒙古漢軍十七名呼蘭府生員三十二名綏化府生員二十三名是科攷取選拔生二名優生五名又奏薦舉孝廉方正六名三年奏江省二次保薦孝廉方正

議員

黑龍江省光緒三十四年設立諮議局籌辦處遴派官紳預備選舉是爲籌備選舉之始宣統元年選舉議員定於五月舉行初選舉七月舉行複選舉調查合選舉資格者四千六百五十二人被

選議員三十名又各府縣籌辦地方自治設參事會董事會選舉
議員民國七年第二屆省議會共選出議員四十名又選出北京
參議院議員五名衆議院議員七名

Blank page with vertical lines.

交涉志綱要一

界務交涉

條約

卡倫

鄂博

黑龍江省自遼天贊二年波斯國來貢是爲歐亞交涉之始今省內交涉以俄羅斯爲多而日本諸國次之攷元史俄羅斯東西境全入版圖實封朮赤拔都諸王又金史百官志所列屬國王府高麗新羅之外乃有日本國王府視扶桑故地若其領土尤爲歷代所未有清初黑省疆域西至尼布楚城北踰外興安嶺東瀕海抵薩哈連及定約讓地於是交涉日繁多與界務有關而土地亦日蹙矣茲錄要如左

一尼布楚條約 清康熙二十八年定

一恰克圖條約 雍正五年定

一璦琿條約咸豐八年定

一天津條約咸豐八年定

一北京條約咸豐十年定

一改訂中俄條約光緒七年定

一中俄界約宣統三年定於齊齊哈爾

又卡倫關於中俄國界者雍正五年設五十有九名曰外卡十一

年設內卡十五咸豐七年裁內卡三改作三台光緒十年增設五

卡其與喀爾喀各部分界者雍正十二年增設十六卡倫道光二

十七年又增三卡咸豐十年於布特哈交界增設六卡其整頓重

設者光緒三十四年設卡倫二十一又設二十

又鄂博雍正五年設立四十八處今存其六

交涉志綱要二

鐵路交涉

黑龍江省自中東鐵路約定始有鐵路而交涉日繁因路務而起之交涉尤多棘手茲述大畧如左

一鐵路交涉 光緒二十二年駐俄大臣許景澄與華俄道勝銀行訂建造經理東省鐵路合同十二款是爲興修鐵路之始宣統元年外務部尙書梁敦彥議訂東省鐵路公司公議會章程十八條民國九年交通部與道勝銀行續訂管理東省鐵路合同七條

一礦務交涉 光緒二十七年俄人要請將軍薩保訂立探勘五段金礦草約十一條三十三年始議作廢另訂吉江兩省煤礦

合同十二條限定俄人所享開礦地段以鐵路兩旁各三十里
爲界

一展地交涉 光緒二十八年道員周冕與公司訂展購鐵路附
近地畝合同三十三年派員會議作廢更定江省鐵路展地合
同十四條聲明此後公司永不得再議展地

一森林交涉 光緒二十九年江省鐵路交涉局總辦周冕與公
司擅立合同指定森林區域任其採伐三十四年始與公司磋
商作廢另訂鐵路公司在黑龍江省內砍木章程十四條劃定
區域限制採伐

一駐軍交涉 光緒二十六年俄兵入省其後藉保護鐵路爲名
沿路各站駐紮軍隊並限制華兵入界三十三年議訂鐵路界

內剿匪章程未協

一設警交涉 光緒二十六年俄人於鐵路界內設立俄警三十三年議歸交涉局設車站華巡鐵路公司一再催逼撤回後由外務部詰責俄使始復稱俟鐵路展地劃清後在新界另設中國巡捕等類

一自治會交涉 宣統元年俄人擅設自治會於哈爾濱各埠訂會章數十條出示勒捐封閉各站華鋪歷經交涉始議改俄人自治會爲公共議事會鐵路界內首先承認中國主權凡關於中國主權法令政治由中國官員主持

一設局交涉 鐵路界平時交涉均由哈爾濱鐵路交涉總局與鐵路照商辦理而設六分局於各站經費由鐵路公司照撥

<p>一 籌備新編學制</p>	<p>一 籌備新編學制</p>	<p>一 籌備新編學制</p>	<p>一 籌備新編學制</p>	<p>一 籌備新編學制</p>	<p>一 籌備新編學制</p>	<p>一 籌備新編學制</p>	<p>一 籌備新編學制</p>	<p>一 籌備新編學制</p>	<p>一 籌備新編學制</p>	<p>一 籌備新編學制</p>
-----------------	-----------------	-----------------	-----------------	-----------------	-----------------	-----------------	-----------------	-----------------	-----------------	-----------------

交涉志綱要三

航路交涉

黑龍江省航路交涉一曰航權一曰航業

一航權 咸豐年璦琿條約載明黑龍江烏蘇里江額爾古納河一岸屬華一岸屬俄祇准中俄兩國航行然俄人藉口江岸設備皆由俄辦未許華船航入民國三年將軍朱慶瀾購輪試航由松花江入黑龍江爲俄人所阻而松嫩兩江主權屬我俄船乃橫行無阻自俄亂起俄船停駛戊通公司購船接辦始得航行黑龍江至廟街且達俄屬伯力設分公司民國十年俄復阻華船出松花江禁駛軍艦開礮攻擊交涉迄未解決

一航業 官辦者松黑兩江郵船局有船四商辦者華人各公司

交涉志綱要四

稅務交涉

黑龍江省稅務光緒二十三年訂東省鐵路合同載有中俄兩國各於鐵路交界設立稅關是爲交涉之始二十六年俄軍入境奪我稅權三十一年日俄罷戰稅權始復於是設稅局於車站定陸路收稅立北滿稅關而稅務交涉乃日益繁茲述其畧於後

一車站稅局 光緒三十二年設昂昂溪稅局專權華商推廣及於紮蘭屯博克圖等處鐵路界內始有稅局

一陸路收稅 光緒三十二年始定征權陸路俄商辦法凡俄商運貨統照海關通行稅則完稅江省陸路始有出進口稅

一北滿稅關 光緒三十三年議定北滿洲稅關暫行試辦章程

八十八條三十四年先設滿洲里分關與哈爾濱總關同時成立江省始有稅關宣統元年設瓊瑋關

一邊墾局收稅 光緒三十四年滿洲里邊墾局在昂昂溪向俄

人收稅俄兵驟圍稅局押局員撤龍旗迭與力爭磋商兩月始

就範圍擬訂辦法六條照舊設局送回局員升挂國旗以謝

一議改百里不納稅 中俄改訂陸路通商條約有百里不納稅

一條俄人先請滿洲里免稅後在黑河華商過江又令納稅民

國二年提議修改

交涉志綱要五

商埠交涉

黑龍江省按照光緒三十二年中日新定東三省條約之附約第一條自開商埠四處曰齊齊哈爾曰海拉爾曰滿洲里曰瓊瑋

一齊齊哈爾商埠 在黑龍江省城光緒三十二年勘定宣統二年重行修改自嫩江沿至齊昂鐵路劃作商埠地段周圍方二十里並規定租建專章二十二條

一瓊瑋商埠 於瓊瑋城北二里空曠地方至江沿寬約五里長約六里有奇劃作商埠地段

一海拉爾商埠 於呼倫貝爾北門外至中東鐵路新街長約七里寬約一里劃作商埠地段

交涉志綱要六

交涉要案

黑龍江省交涉事繁界務鐵路稅務商埠均已各有專案此外交涉要案亦多茲彙錄於後

一庚子善後交涉 光緒二十六年俄兵入省將軍壽山殉節行營總理程德全議和停戰辦理善後次年俄兵始退

一中立交涉 光緒三十年日俄宣戰我守中立辦理交涉中立善後出力各員事竣請獎

一江東六十四屯交涉 江東六十四屯在瑗瑯對岸按照咸豐八年條約仍爲中國領土庚子之亂俄人違約侵據

一俄人越墾交涉 額爾古訥河北岸庚子亂後俄人越界私墾

勒令遷出

一華人入俄境起票交涉 民國元年俄領事照會凡華人入俄境者應起居留票璦琿黑河人民渡江均起小票加貼俄稅關印花稅每分納費七十五戈一次即廢

一捕匪交涉 民國三年照會俄廓米薩爾派警過江查緝華匪屢起交涉

一俄兵過境沽酒交涉 俄界禁酒遂過華岸沽酒俄官照會嚴請禁止

一日本讓與軍用電話交涉 民國七年日軍於昂昂溪至黑河借用中國電桿附挂軍用電綫九年與日軍議定草案三條無償與由省收回改爲軍用電話

一裁判交涉 哈爾濱交涉總局初與中東鐵路公司訂有華洋互訟會審章程歷經交涉籌議挽回

一教堂交涉 光緒十年呼蘭法國教堂有教士斃人一案至今未結今龍江呼蘭綏化海倫巴彥蘭西木蘭慶城等縣有英法教堂二十處尙無重大交涉

一、

一、

一、

一、

一、

一、

一、

一、

一、

一、

一、

交通志綱要一

道路 陸路 航路

黑龍江與內地交通古分南北二道魏書勿吉遣使初發其國乘船溯難河西上至大涂河南渡洛孤水從契丹西達和龍金史世宗將幸上京以臨潢烏古里石壘歲皆不登欲自南道往三月過東京五月可達上京可見其略而省內道路史所未詳清初設台站分三路詳台站志今記道路分陸路航路述於後

一陸路

東北路 由省城經嫩江縣城東北過東興安嶺至瓊璉

北路 由省城經嫩江縣城沿嫩江東岸北至漠河

西北路 由省城西北行過西興安嶺而至呼倫貝爾

南路 由省城沿嫩江東岸南行至茂興站渡松嫩兩江會口而達吉林之伯都訥站 由茂興站沿松花江經呼蘭抵通河過湯源東北至蘿北縣南亦可至松黑兩江會口

東南路 由省城南行渡嫩江經大賚而至奉天之洮南

西南路 由省城西行經興化鎮西至海綏南至呼巴等路

一 航路

黑龍江 西北由額爾古訥河環東北行東南至松花江會口上下游全長六千里皆通航

松花江 由嫩江會口東至黑河口與黑龍江會長二千里皆通航

嫩江 由上源千餘里至嫩江縣始通航南至松花江約千里

交通志綱要二

鐵路

黑龍江省鐵路已成者三

中東鐵路 清光緒二十二年中俄合辦自西伯利亞入海拉

爾踰大興安嶺渡嫩江過對青山抵松花江而南入吉林境

齊昂輕便鐵路 光緒三十三年八旗公辦自齊齊哈爾至昂

昂溪

甘河輕便鐵路 宣統年省辦由嫩江縣至甘河口

其正在籌辦者一

濱黑鐵路 由對青山至大黑河屯民國十三年訂借俄國商

款先築呼蘭至嫩江一段曰呼嫩鐵路

其久在計畫者一

錦瓊路綫 由奉天錦州經洮南達齊齊哈爾曰錦齊綫自齊
齊哈爾經墨爾根至瓊瑋曰齊瓊綫光緒年東三省總督徐世
昌創議迄未能辦今濱黑正在籌辦齊瓊一綫已包其中唯錦
齊一段尙未議修

大綫三十三平八五全備自前清宣統年
中車路修成後其路二千五里中其路自西而東入
東路其路長約二百餘里其路之西入路
其路之東入路

交通志

交通志綱要三

電報 電話

黑龍江省電氣事業有電報有電話今無綫電亦通

一電報 光緒十三年始設二十六年被毀三十三年修復逐年添設今有局四十二齊齊哈爾黑河嫩江瑗瑋呼蘭綏化海倫肇州興化興隆呼瑪奇乾河林甸龍門漠河訥河拜泉巴彥泰來大賚通北望奎三道溝昂昂溪青岡通河蘭西海拉爾滿溝安達富拉爾基扎蘭屯博克圖興安嶺扎岡扎蘭諾爾滿洲里奇克特克山二克山湯原又中東鐵路有路用電報沿路各站均通

一無綫電 民國十三年奉天辦特設無綫電台五十八座其設

置地點屬於黑龍江省者有一等局四龍江呼倫漠河瓊瑋二
等局十五嫩江大賚肇東臚濱綏化海倫肇州訥河索倫山呼
蘭巴彥通河龍鎮東興鎮綏東

一電話 光緒三十三年設於省城官撥資本呼蘭等處陸續設
立又軍用電話自昂昂溪至黑河初爲日軍所設今收回

通界 綏化

光緒三十三年

交通志綱要四

台站

黑龍江省康熙二十二年征羅刹命自吉林至瑗瑊置十九驛是爲創設台站之始其後歷年增設分南北西各路南路自齊齊哈爾至茂興凡十站東南路自茂興至呼蘭凡八站東北路自齊齊哈爾至黑龍江城凡十站西路自齊齊哈爾至呼倫貝爾凡十七站額設官兵管理驛站事務至光緒年裁撤設文報局後歸郵務局郵遞文報今台站盡廢

交通志綱要五

郵務

黑龍江省自光緒三十二年裁撤驛站改設文報局公私文報皆設郵站遞送民國三年始歸郵政局商訂官署公件往來郵遞章程今黑龍江郵務局屬東三省郵務管理區之下有一等郵局一在龍江二等郵局十二在呼蘭綏化昂昂溪巴彥海倫嫩江臚濱呼倫肇州大賚安達站訥河又有三等郵局二十一代辦所八

知歸縣併大青安表故臨河又昔三在境區二十、升縣領八
其歸第二學歲領十二亦知關雞升級原獨出春請歸歸其歸所
歸全里歸其表表似歸車三管機游管機歸立平首一表種似一
如歸其表表因四三平故歸機似似歸其官官公升升表表機機
歸歸其官官自半機三十二平其歸機其其歸交其歸似全其其歸其

機海

交歸志歸要正

武備志綱要一

陸軍

黑龍江古稱善戰以兵甲彊天下而兵制實至遼金始備遼史遼在隋時依紇臣水而居分十部兵多者三千少者千餘至唐大賀氏勝兵四萬三千人分八部及太祖破室韋于厥奚三國總兵四十萬又遼兵制凡年十五以上五十以下隸兵籍頗合今徵兵之制金史金初諸部之民無他徭役壯者皆兵其部長曰孛堇行兵則稱曰猛安謀克從其多寡以爲號嗣立三道都統府及左右領軍大都督將三十二萬軍又有渤海軍奚軍漢軍鎮防軍及分番屯戍軍永屯軍武衛軍等凡邊境置兵之州三十八置於要州者十一此又同八旗駐防之制清初黑省爲八旗駐防舊皆旗兵後

有練軍防營自改行省制後始創練陸軍是爲黑龍江設新軍之始

清宣統二年黑龍江巡撫周樹模創練陸軍混成一協改營務處爲兵備處

民國元年設都督改兵備處爲軍政處混成協爲混成旅

二年都督改護軍使

三年改將軍特任張錫鑾爲鎮安上將軍督理奉天軍務兼節制吉林黑龍江軍務朱慶瀾爲鎮安右將軍督理黑龍江軍務又擴

旅爲師定名黑龍江陸軍有陸軍一師騎兵一旅

五年七月將軍改督軍

六年陸軍師長許蘭州帶赴奉天八營由奉天後路防軍開拔四

營來江

七年督軍鮑貴卿規復舊制改編混成旅四旅騎兵旅兩旅又裁混成兩旅改混成團兩團砲兵憲兵各一營機關槍一連並隸督軍另編第十九混成旅直隸中央由督軍兼帶

九年黑龍江軍事編制有督軍呼倫貝爾鎮守使陸軍第一第二第三第四混成旅陸軍騎兵第一第二旅陸軍憲兵營機關槍連軍樂隊軍械廠陸軍監獄陸軍醫院軍畜牧養場蒙旗事務所軍署步兵衛隊共月支經費三十四萬餘元又黑龍江國防軍籌備處哈滿警備司令部黑河警備司令部龍江俘虜收容所防護中東路綫軍隊防護黑河對岸軍隊統計月支經費八萬餘元

十一年督軍改稱黑龍江保安副司令

十四年改稱督辦軍務善後事宜領鎮守使四黑河鎮守使呼倫貝爾鎮守使安泰鎮守使綏海鎮守使改編陸軍師旅如制

武備志綱要二

練軍 防營

黑龍江省初皆旗兵後以籌備邊防始創練軍仍由旗兵挑選於是江省兵制一變嗣後改爲防營增加兵額改由徵募於是江省兵制又一變及改陸軍新制而兵制凡三變矣

光緒六年將軍定安簡練馬隊一千名步隊九千名初爲海防營八年夏始名練軍將軍文緒續有增減分駐齊齊哈爾呼倫貝爾布特哈呼蘭墨爾根黑龍江城興安城等處十二年創齊字營練軍十五年奏成全營有兵一萬歲餉約五十萬金均由海軍部關領是皆練軍先後有海防隊精銳營齊字營鎮邊軍新軍義務軍等名稱二十六年庚子之役全行潰散次年將軍薩保重加編整

名曰制兵光緒三十年將軍達桂副都統程德全撥改巡警軍爲
巡防隊制兵亦併裁改是爲江省有防營之始三十三年改稱五
路巡防隊分中左右前後五路駐紮統計馬隊十六營步隊七營
歲支銀三十一萬餘兩

八甲真地奔劫軍機軍支務總督軍部軍機處總辦黃白爾和倫貝勒
光緒六年於軍宜支前將區初一千治理軍兵于各處設防湖營
又囑又一雙及第補軍機處而兵隊具三變矣

兼升及是間一特編與如區前營軍而兵隊具三變矣
兼升及是間一特編與如區前營軍而兵隊具三變矣
兼升及是間一特編與如區前營軍而兵隊具三變矣

五路志編卷二

武備志綱要三

水師 江防

黑龍江省清初設水師營船礮遞有增減及光宣後水師廢而始議籌江防經營設備漸具規模力爭江權不可緩也

康熙二十二年征羅刹始設水師運糧後定營制齊齊哈爾設水師營總管有船三十二呼蘭有船十二墨爾根設四品官一乾隆十年將軍增海奏裁歸本城協領兼管黑龍江城設總管一有船六十二隻船隻修補均在吉林船廠曆年遞有增減至光緒十三年齊齊哈爾僅存船十四墨爾根存八黑龍江城存三十二光緒末年祇餘木質砲船七泊巴彥州三姓等處又安海綏遼兩礮艦歸併吉林餽餉亦由吉發水師遂廢

民國三年始籌江防購輪一命名慶瀾試航由松花江入黑龍江
爲俄人所阻七年俄亂起海軍部派員設松黑江防司令調軍艦
四浮海借道廟街入黑龍江復改商輪三合爲江防軍今有礮艦
八曰江亨江平江安江通利綏利捷利川利濟十年俄軍艦阻入
黑龍江並砲擊商輪十二年又阻華船航駛江防軍艦遂不能自
由出入黑龍江

武備志綱要四

旗兵

黑龍江省初行旗制凡編旗籍者皆爲兵其後生齒日繁兵有定額於是食餉者始稱旗兵及歲而未食餉者皆稱旗丁其戶籍稱旗籍皆隸佐領康熙十年墨爾哲氏屯長率衆來歸編爲墨爾根四十佐領號新滿洲是爲黑龍江編設旗兵之始二十二年征羅刹調兵駐黑龍江是爲旗兵駐防之始於是設官定額分駐各城時有增改沿至宣統年改行省制始裁旗兵今唯呼倫貝爾仍舊餘皆廢

一旗兵駐防設齊齊哈爾墨爾根黑龍江城呼倫貝爾呼蘭布特

哈興安城等處號七大城

一旗兵部落分新滿洲滿洲漢軍索倫達呼爾鄂倫春畢喇爾巴

爾虎鄂勒特等項號八部落亦號八圍

一旗兵名目有前鋒領催馬甲匠役養育兵等項又舊有耕種公用兵

一旗兵制額康熙年初設防不足萬名乾隆年共一萬三百餘名

光緒十三年計一萬四千八百四十六名

一旗兵餉項歲額銀三十七萬兩連官俸在內

武備志綱要

兵事

黑龍江省邊防要塞爲用兵所必爭漢唐遼金代有征戰而元起北徼分封諸王黑龍江兵事實多元有乃顏之亂明有納哈出之爭其尤著也清興滿洲先征黑龍江索倫諸部海東諸部開國方畧記載綦詳及平服羅刹用兵於雅克薩尼布楚十年始定俄人內侵外患遂起康熙年之爭黑龍江雍正年之爭恰克圖咸豐年之爭璦琿調軍備戰幸而息兵其後齟蒙諸匪迭起肆擾內亂更滋如同治四年之盜入呼蘭光緒初年之會勦馬賊光緒末年之蒙匪俄匪勾結爲患勦撫尤稱兩難至光緒二十六年庚子之役俄陷省城三十年日俄之戰俄軍借道兵禍之深更不忍卒述矣

入民國後元年之呼倫獨立二年之漠河兵變以及省城連逐長
官兵爭不已迨俄亂起赤白黨爭屢犯中立中東鐵路防護非易
幾於無日不備兵焉此皆關於本省之兵事又各處用兵徵調尤
衆如康熙年之征噶爾丹準喀爾乾隆年之征金川嘉慶年之教
匪陝匪道光年之平回防海咸豐年之辦粵捻防英法同治光緒
年之赴新疆調甘肅前後至六十三次徵調之煩戶口爲減兵事
之禍國殘民可不鑒哉

人物志綱要

黑龍江省人物自帝堯以來歷漢魏晉唐皆有傳人至遼金元而極盛有清一代亦多名賢此皆龍江史乘之光也今分鄉賢列女名將名宦流寓等類各爲專志

一鄉賢以帝堯時之始均爲首始均黃帝子昌意少子之裔也而淳維爲匈奴始祖冒頓置諸左方王將實接今黑龍江境郝旦爲烏桓大人東接今黑龍江西境又遼金初起皆在黑龍江境其始祖創業與各部長正同皆不可不誌又明設各衛所指揮同知千戶等皆以部長任之此亦鄉之先也並當附傳今自帝堯至有清共傳約六百餘人

一列女見於史傳者少今有傳者如唐之李謹行妻劉氏金之阿

林妻薩勒等及清代諸節孝僅數十餘人而以歷年旌表節孝者統列其姓氏合約千人

一名將亦曰戰績凡非省籍而著戰績於境內者皆爲立傳戰國有趙開漢有徐自爲唐有薛泰劉仁軌遼金元戰績尤多元之十九功臣八十八功臣皆名將而明永樂年北征諸將清初征羅刹諸將皆戰功著於黑龍江共傳二百數十人

一名宦亦曰政畧古多不傳今自漢蔡彤魏李敞以來所傳僅逾百人而清代旗籍多有服官本土者又將軍兼理民事故所傳與鄉賢名將不嫌互見

一流寓宋有洪皓金有高麗醫者元有陳韶孫而清以來尤著如蔡毓榮李錯方登嶧父子劉鳳誥英和等皆有著述歌詠風物

餘亦各有可傳今共傳三十餘人知遺沒者多矣

藝文志綱要

黑龍江省藝文古無所傳惟大金國志載有大金皇帝致大宋皇帝書已入大事志實爲龍江藝文見於史乘之始今所錄皆有清一代文字亦附近人著述其有議政及紀事已分入各志者不錄茲分文徵書目二類而金石文字則另入金石志

一文徵首疏次文其已見各志者皆不重錄次贊僅錄名臣象贊次賦僅錄黑龍江賦次詩分上下二篇上篇錄前賢詩以方登嶧劉鳳誥等所作爲多下篇錄近人詩以周樹模宋小濂等所作爲多

一書目擇有關於黑龍江史地者錄之略詳著人氏籍亦錄序跋分一二兩篇一篇皆地志史畧如松漠紀聞契丹國志平定羅刹

方畧龍沙紀畧東三省政畧及各縣志等類二篇皆詩文各集如
述本堂存悔堂龍沙物產詠龍江百五鈔龍江詩選及近人詩草
等類

金石志綱要

黑龍江省金石文字之可考者有得勝陀紀功碑出肇州沙土中爲金代金石又奴兒干永寧寺碑及重建永寧寺碑爲明代所立今皆淪失案魏書烏洛侯其國西北有魏先帝舊墟石室太武帝遣中書侍郎李敞告祭刻祝文石室之北而還實爲黑龍江石刻見於史傳之始惜今已無可考又康熙初墨爾根地方掘井得石文曰莫來耕繫唐年號此外惟遼金官印及唐宋古錢數物猶存其餘殘滅者何限乃至康熙二十八年分界碑亦復爲人遷移可歎甚矣近聞大賚新出土有遼匡義軍印當攷查保存並爲補入志中黑省東封古多爭戰實爲漢唐來兵力所及余嘗巡邊至洮南過突泉聞有殘石刻漢隸大將軍字樣意必衛青出塞偏師所

